

فاكر يا بحر

محمد حنفي



فاکر یا بحر

ل

محمد حنفی

جميع الحقوق محفوظة © عصير الكتب للنشر الإلكتروني

<http://book-juice.com>

فاكر يا بحر

المؤلف : محمد حنفي

نشر في : أكتوبر 2015

تنسيق داخلي : عصير الكتب للنشر الإلكتروني



إهداء :

الي من اول من اطلقت من صدري اول صرخه حرمان .
الي من اشعلت بقلبي اول شراره للاحزان .
اليهم الذين لم اشعر رغم وجودهم بجاني معني الامان الذين لم يتوقعوا مني
النجاه بعد ثوره البركان .
الي امي ,
التي تخرجت في مدرستها للدفع وللحنان ,
التي لم يسعفها القدر لكي تشهد ميلاد هذا الديوان ,
اليكم
نزيف من الحروف سطرت بدم شبه انسان
اليكم جميعا أهدي هذا العمل

هي مجرد كلمات غرست خنجري حتي مقبضه في صدرها ,
فتهاوت علي صفحات هذا الكتاب غير مصدقه ,
أن الطعنه جئت من من كان يحتويها بين أضلعه ,
هو مجرد وجع سطر ملامح انسان .
كان واهما أنه يستطيع أن يعيش الحياه بأسلوبه ,
واكتشف مؤخرا أن الحياه تلهو به ,
كما تلهو الامواج بسفينه تهاوت دفتها .
هو مجرد ألم سُجن طويلا بين قضبان القلب ,
ثم أعلن ثورته علي السجن والسجان ,
وشق طريق حريته بين ربوع هذا الكتاب .
هو مجرد حزن حاولوا تجنب قرائته قدر استطاعتكم ,
تجنبوا لعدوي الاحزان ,
فلنبحر الآن سويا ,
ولكن لا تقولوا اني لم احذرکم

وحشيپي

وحشتيني

يانور العشق في قلبي ...

يا اصل خلايا تكويني ...

وحشتيني

وحشتيني

يابسمه الفرح المفارقة لملاحي ...

يا سر صمتي وعذايي وانيني ...

وحشتيني

وحشتيني

وحشتني شفايفك وهي بتتلق بحبك ...

وحشتني ضمك لقلبي وهو بيصرخ بردان

دفيني ...

وحشتيني

وحشتيني

ازاي قدرتي علي الفراق ...

انا مش قولتلك اوعي تسيبيني ...

وحشتيني

وحشتيني

وحشتني لون الزرع في عينيكي ...

وايديكي النونو ازاي كانت بتحتويني ...

وحشتيني

وحشتيني

وحشتني تنهيهده العشق في كلامنا ...
ولقانا القليل ... بس كان مكفيني ...

وحشتيني

وحشتيني

وحشتني شوارع هجرتها من بعدك ...
ونبض قلبك في صدري ازاى بيحييني ...

وحشتيني

وحشتيني

وحشني استفزازك ونرفزتلك ليا
عشان ترجعي بعد كده بطريقتك
تصالحيني ...

وحشتيني

وخايف اظلم اى واحده من بعدك ...
خايف اجرح حد ميقدرش ينسيني ...

وحشتيني

وحشتيني والله

وبعدین یا قلبی

وبعدين معاك يا قلبي ...
هتفضل كتير شايل من الهم جبال
واما تتسأل عن حالك ...
تقول تمام ... ماشي الحال
واعمل ايه بس قولي ...
مهو مش الكلام يتقال
مهني من يوم ما راحت ...
وراح معاها راحه البال
نفسك تلاقي اجابه واحده
وجواك الف سؤال وسؤال
ياتري عامله ايه من غيري
ومين في حبك زي كلامي قال
وحشني جدا حضنك
ده من بعده كل السعاده محال
ياتري مين لسه جنبك
وانا الي كنت الاب والاخ والعم والحال
ومين بيرسم البسمه علي شفائيك
وانا الي كنت النكته والفرحه والغنوه والموال
ياتري لسه فاكراني
ولا قلبك قسي وغصن حي جو قلبك مال
حبيبي ... ايوه لسه حبيبي
انا علي الوعد مهما غيابك طال

وبعدين معاك يا قلبي ...
ازاي بتضحك وجواك جدا حزين
بتبتسم للناس يستغربوا ...
ازاي قادر تداري الانين
اصل انا علي طول فاكرك
وكل ليله يقتلني الحنين
وازاي انسي في يوم انسان
كان هوو القلب وضي العين
قوليلي بس ازاي انساكي
ولو نسيتك طب بعدك اعيش لمن
قوليلي بس ازاي انساكي
ولسه مكان شفايفك علي الجبين
اه انا ممكن في يوم انساكي
يوم ما الشمال يجي علي اليمين
ده انا من يوم ما فارقت هواكي
تايه في بحر من غير سفين
فاكره يوم ما نطقني بحبك
وزرعتي القلب بستان ياسمين
طب فاكره لما غفيتي في حضني
وبرئه ملامحك زي الجنين
هنت عليك تسبيني لهجرك
يسكن ضلوعي زي السكين
انا الي يوم غنيت من لحنك
غنوه غرام كل العاشقين

انا الي عمري في يوم ما جرحتك
وعشنا الحياه اجمل حبيين
هعيش علي امل لو يوم القاكي
ولو حتي فات من العمر سنين

شمس وقمر

ليه في حبك كل حاجه واقفه ضدي
لا انا عارف ابقى معاكي ولا حتي قادر انساكي
مين بس الي قال ان البكا بيهدي
وبايه تفيد الدموع لو كنت اتخلقت وراحتي وياكي
بتسري الدمعه لهيب علي خدي
واسال نفسي منين بتيجي الدموع وعيوني جواكي
واعمل ايه ولو العمر كله حتي هيعدي
مش لاقى لقلبي بديل غير انه يفضل بس يهواكي
عمري ما حلمت بحاجه مش علي قدي
ولا كان شئ في الدنيا صعب طول ما ايديا طايلاكي
سامحيني الفراق لا بيدك ولا بيدي
مكتوبلنا نفضل شمس وقمر ... داير بره افلاكي

لو كان في البعاد راحتك
فانا بدعيلك كل يوم ترتاحي
لو كان في البعد ده سعادتك
ميهمكيش .. دوسي علي جراحي
لو كان القرب فوق طاقتك
هبعذك .. هقتل كل افراحي
لو قلبك طير والسجن كان غايتك
اكيد مش هتحتسي ببراحي !!!

وحشتيني بجد ياتري انا وحشتك
سبتيني ليه في كل ليله بموت
لو كنت فعلا عقرب ميزان ساعتك
طب ليه بعدك الوقت مش بيقت
لسه بتشوفي ملاحى في مرايتك
ولا عيوني معدش ليها جوه قلبك صوت
عشقتك وياريتني ما عشقتك
وقلبي الغريب .. هجر كل البيوت
هعيش واموت مخلص بس لحكايتك
هختار طريق الوجع ... وابعد من سكوت

کانت شبہا

كل حاجه فيها كانت شبهها
نفس الملامح والبراءه والسكون
حتي الي جنبها كان فيه من ملاحي
لكنها مش ليلي ولا هوه قيسها المجنون
في عينيها لمعه دموع محبوسه
وقلبها مليان بالوجع والشجون
أصله جاي انهارده عشان يودعها
من غير كلام اصله باين في العيون
ولا قيت قلبي الحزين بيكي بداها
ويفتكر أول كلمه نطقها كانت مش هخون
لكن الزمان خاني وبعدها عني
هتلاقي بعدي فين ضمه الصدر الحنون
يا أجمل حلم أنا حلمته ومكملتوش
صورتك عايشه جوايا وساكنه في الجفون
كل أما بحب أشوفك يادوب بغمض عينا
وأسرح في الذكريات لكن بتتعبني الظنون
وأقول لنفسي ياتري كل ليله بتفتكرني
ولا ورد حي خلاص دبل فوق الغصون
ويا تري بتدمع ولا بتبتسم ساعتها
أكيد لسه عارفه إن حبها عمره ما في يوم يهون
أكيد لسه عارفه إن حبها زين حياي
وكان ليا أحلي من المال وأحلي من البنون
ولا عمر المال ما كان سبب للسعاده
ده لو القلب حب يجد هيبقي أسعد من قارون

لكن كل الثوابت كانت بتقول لا بد نتفارق
لكني اختارت أفضل أحب وأخرج عن القانون
دبحوا قلبي ولا كنت عندهم فارق
وأكملوا أحرار وعشت أنا مسجون

أوضه مقفوله

جوه كل واحد فينا أوضه مقفوله
فيها شخص واحد أقوي من الأيام
بنقابل ونفارق بين العجز والطفوله
وهو ساكن مكانه بيزورنا في الأحلام
روايه كتبها القلب واداله دور البطوله
لكن الزمن مخرج بيعشق الأحزان
قال النهايات السعيده مبعثش معقوله
لكن النهايه الحزينه بيخلدها الزمان
فيفضل عايش جوانا في أوضه مقفوله
أقوي من الفراق وأقوي من النسيان
ومين فينا يقدر ينسي لمستاه الأولي
وأول نظره حب أحلي من أي كلام
كان في قلوبنا النبض دلوقي مقتوله
زرعنا في طريقنا الحب جنينا بس آلام

ازاي احب بعدك

حبيبي

من يوم ما سبنا بعض وكل الناس بتسألني
ليه بعدها مش قادر تحب تاني

حبيبي

اول مره من يوم فراقك اكتبك حاجه
واتمني تكوني سمعاني

وحشاني

فاكره ازاي قولتلك اني بحبك
يوم ما مسكت ايدك وحطيتها علي قلبي
وقولتلك حساني

فاكره يوم ما ضمنتك لصدري
ولملت خيوط الليل السارح في شعرك
وقولتلك ده بيتك وسندك
ومعاكي انتي وبس حسيت بكل المعاني
فاكره قولتيلي ايه ساعتها
قولتيلي انك عمرك ما شوفتي من اي حد

حنان في نص حناني

فاكره لما كنت برفض عشائك
اي فرصه سفر وتسأليني ازاي
اقولك مقدرش اسيبك ولو ثواني
لو اعيش جنبك فقير ومفلس
هبقي اغني واحد في العالم

لو كانت ايديكي ضماني
كانت اول مره تضميني فيها
كانت اول مره في حياتي
ادوق فيها طعم الفرحه
والدنيا مكنتش سايعاني
لكن مش كل الناس بتحسبها بالمشاعر
فيه ناس كتير بتحسبها بالارض والمباني
وافترقنا

افترقنا يا حبيبي لكن من يوم فراقك
وانا لسه واقف في مكاني
والدنيا الي مكنتش سايعاني
بقت زي القبر
يادوب محوطاني
وبسأل نفسي نفس السؤال
ليه مش قادر احب من تاني

وازاي احب من بعدك
ازاي اقدر اخون
ازاي وانتي الي عرفت معاكي
ان الحب بس بالقلب
وعمره ما كان بالعيون
ازاي وانا كنت حاسس
ان حبنا كان في السما
من قبل ما اجسادنا تكون

ازاي احب واحده من بعدك
حب عادي هادي
واجمال ما في الحب الجنون
وانا الي طول عمري
بحب في البحر الموج
وبكره في النيل السكون
الحب بالنسبالي هو انتي
ومن غيرك عمر الحب ما يكون

ازاي احب من بعدك
اذا كان الحب هو انتي
ازاي الحن من بعدك
اذا كان الوتر هو انتي
ازاي اغني من بعدك
اذا كان صوتي هو انتي
ازاي اكتب من بعدك
اذا كانت الحروف هي انتي
ازاي اطير من بعدك
اذا كان جناحي هو انتي
ازاي اتنفس من بعدك
اذا كان الهوا هو انتي
ازاي ارتوي من بعدك

اذا كان نيلي عينيكي انتي
ازاي اعيش من بعدك
اذا كان العمر هو انتي
اذا كان العمر هو انتي
اذا كان العمر هو انتي

متن پیش

عشان خاطري متسبنيش
فين حبيبي الي قالي زمان
طول مانا عايش ما تدمعيش
حبيبي الي علمني معني الحنان
وكانت اشواقه نار بركان ما بتتطفيش
وكنت علي صدره برمي كل احزاني
ووانا في حضنه الخوف ميجيش
حبيبي الي قالي من غير لقاكي
الدنيا دي بجد متساو يش
ولما سقط رمشه وقولتله أتمني أمني
قالي غمضي انتي عيونك ومتفتحيش
وشدني لصدره وهمسلي ده بيتك
لو دق الفراق علي بابيه متفتحيش
أتمني ايه تاني وانا جنبك
غيرك انتي مليش امان مليش
حبيبي الي رغم الدمعه الي في عيونه
كان هوه الضحكه الي مبتفارقن يش
ولما أسأله مالك يجري عليا ويحضني
ويقولي وحشتيني بس متخضيش
ولما أقوله أنا عارفه انك بتتألم وتكدب
وهعمل زيك ولما تسألني مالك هقولك مفيش
فيضحك ضحكه تملا كل كياني
ويمسك ايدي ويوسها ويقول متقدر يش
عشان انا بحس بيكي من غير ما تتكلمي

وفي عينيكي بشوف الكلام الي ما بيتحكيش
فاتدل عليه واقوله وبتشوف فيها ايه ثاني
يقولي بشوف ابني وبنتي وعهد ميخونيش

اه لو تعرفي اني مش هكون يوم لغيرك
وكان حلمي اكمل معاكي بس الزمان مرضيش
اه لو تعرفي اني هسيبك عشان خاطرك
ويمكن كمان مقدرش اعيش

يا ليلة العيد

يا ليله العيد كسرتينا
وصحيتي الوجع فينا
حقيقي مكنش بايدينا
نكمل عمرنا أغراب

يا ليله العيد بعدتينا
عن فرح كان بيميلينا
نُخي الدمع في عينينا
من فرقه الاحباب

يا ليله العيد وحشتينا
واحبابنا حوالينا
دلوقتي احنا وحدينا
والحب تحت تراب

يا ليله العيد بنتألم
وويا جراحنا بنلملم
وضي عينينا بيضلم
وسمانا ماليها ضباب

يا ليله العيد بنتمني
نعيش ليله من الجنه
ننادي الفرح يستني
ميقفلش في وشوشنا الباب

لو سألوكي

ولو سألوكم في يوم عن عيد
قوليلهم انا قولتله السنادي

ميجيش

مانا كان عيدي في لمسه ايد
تصحي القلب الميت وتقوله

عيش

وحضن دافي في ليله شتا
مع كلمه بحبك وجنبك

متخافيش

لكن نعمل ايه في قلوب ميته
قتلت فرحتي جوايا

محستنيش

ومشيت وانا عارفك هتتألم

ومهمنيش

مشيت ودموعك بتترجي وتتكلم

متقتلنيش

مشيت من غير حتي ما اسلم
وانا عارفك برغم كل جراحك

مكرهتنيش

ليه برغم اني بعثك ميتين مره

ليه فضلت مخلصي

ومبعثنيش

ولو سألوكم في يوم عني
عاش بعدك حزين ولا متهني
قوليلهم كل الي اعرفه اني
وجوده كان مطمئني
وعمره في يوم ما عذبني
ولو طلعت اه في يوم مني
يخس بنارها مليون اه
يكرم نفسه ما يكرمني
كانلي ابويا وساعات ابني
وساعات كتير يكون جني
يحققلي كل الي بتمناه
وكل ما اتوه يرجعني
يقول الاله ما توجعني
برغم جراحه يسمعني
ويموت عشان يوهب لقلبي حياه
لكن البعد كان ذني
بعدت وهوه كان جنبي
لكن مقدرتش استناه
الاقسي عليه فيحضني

یتوجع ولا یلومنی
وراحتی کانت هیه کل مناه
ودلوقتی رغم انه بعید عنی
لکن طیفه قریب منی
وعارفه انی یوم ما هتوه ... اکید هلقاه

وحشتيني يا أمي

كل سنه وانتي طيبه يا أمي
وسامحيني علي تقصيري معاكي
يا لي عمرك ما فكرتي يوم في نفسك
وكأنك عايشه لرضايا وهوه كل مناكي
وعمرك ما قفلتي في يوم باب حضنك
لو جيتلك مليون هموم حزين باكي
كان مجرد ما ادفن راسي في صدرك
تنتب الزهور من وسط كل اشواكي
ازاي يكون حضنك جواه راح وبراح
وازاي بتداوي الجراح والجرح جواكي
ازاي أكون تعبان واما المحك ارتاح
وتقدمي الافراح والفرحه ناسياكي
ازاي يحتفلوا بيكي يوم واحد يا أمي
ده كل ثانيه في قربك عيد والجنه لُقيافي
ياريتني كنت أقدر أدكي من عمري
أو لما زارك الموت كان ضمني وياكي

من يوم فراقك يا أغلي الناس
والقلب مشروخ زي الناي الحزين
لسه مكانك زي ما هوه فاضي
لسه مكان طبطبتك علي الجبين
بعدك مفيش أي حضن بيساعني
مين في ريع حنانك دلوقتي مين

يا قمر نور سمايا واختفي للأبد
عائش بعدك في عتمه ورعب وانين
انتي الامان والحنان والحب والسند
بعدك ضهري انكسر فرقه وحنين

من يوم فراقك يا أغلي الناس
وسنيني كلها ناسيه حتي أيامها
لسه سبحتك وسجاده صلاتك
وكل حاجه حبتك موجوده في مكانها
لسه تفاصيلك محفوره جوه اوضتك
وصوره بسمتك علي كل جدرانها
لسه سامع دعاكي ساعه الفجر
لما الشمس كانت بتطلعلك قبل اوانها
كنتي بتدعيننا وننسي ندعيلك
بعدك البيت زنانه كارهه سجانها
بعدك عائشين في غربه وكآبه
شجره حزينه دابله كل أغصانها
لا بقي نافع معاها ميه ولا مطر
الفراق طال الجذر وملا شريانها
مفيش حاجه مصبراني يا أمي
غير اني حاسك في الجنه
بيزفوكي سكانها

وحشتيني يا أمي

الوطن

ربونا زمان في المدارس لما كان فيه تربيته
ان حب الوطن زي الصلاه فرض
كانت قلوبنا بترتجف لحظه سلام العلم
وهوه بيرفرف ويعلا بين السما والارض
علمونا ان الي يفرط في تراب بلده
زيه تمام زي الي باع العرض
سبتينا ليه يابلدي ليه
لحد اما بقينا بناكل في بعض

بقينا نخاف نتصور مع صحابنا
ليجي علينا بكره والصوره تنقص واحد
بقينا عادي نعيش كاتمين في اوجاعنا
بين الي قلبه مات وبين الي قلبه جاحد
بقينا نلوم علي المقتول ونبرر للي قاتل
واول كلمه تتقال ايه الي وداهم هناك
وكأن الي مات ده كان ضامن الجنه
عشان يروح برجليه ويترمي للهلاك

بقي حلم كل شاب فيكي يابلد
انه يسافر ويتغرب بعيد عنك
يعني ايه يابلد تبقي انتي ضامانا
ونبقي خايفين في حضنك
ومش حاسين بأمنك

يعني ايه يابلد يطغي اللون الاحمر علي الوان علمك
من كتر ما اتروي واتغمس في بحر الدم
يعني ايه نبقي احنا ولادك الي ساندين ضهرك
وتسيبي ضهرنا يتحني وترضي علينا الهم

يعني ايه يابلد يبقي كل الي فيكي تجاره
الي يتاجر بالأمن والي يتاجر باللقمه والي يتاجر بالدين
لو لسه حابنا بجد اديلنا حتي اماره
راضيانا ليه بالهوت وهوو احنا كده عايشين !!!

توهان

حائط السماعات في ودانه
ولا حتي سامع مين بيغني ايه
بيص من ورا شباكه للسكه
ولا هوه داري بالطريق حواليه
لابس نضارته بيتداري ويبداري فيها
لو دمعته غصب عنه فارقت عينيه
بيعد في صحاب كان جنبهم في الشده
ووقت اما احتاجهم ايدهم سابت ايديه
بيهد في احلام كان بانيتها علشانها
وضاعت من غير حتي ما يعرف ليه
فاق من شروده لما العربيه هدت
والسواق ناداله آخر الخط ياييه
بص في ساعته ومشى في طريق تاني
ويبقى الحال كما هوه عليه

ليله الفراق

رغم انك غاييه من ليالي طوال تعبت جدا من عدها
قلبي كل يوم يا حبيبي بيعد في ليله الفراق
وكأن سنيني وحياتي خلاص وقفت عندها
عمري ما اتخيلت انك هتنطقي كلمه وداع
ويجي اليوم وتطلعي فعلا قدها
ليه قبل ما تمشي مقتلتنيش
طب انتي قادره ازاي تعيشي بعدها
مهو زي ما فيه ناس الجراح بتقويها
فيه ناس كثيره الجراح بتهدها
وزي ما فيه ناس بعاد وهما قريبين
فيه ناس بتزيد في القرب ببعدها
مهو القلب تملي بيمشي بمزاجه
ويعمل حاجات ويقول ياريتني ما عملتها
ويقعد يلوم في نفسه ويزيد في اللوم
ويرجع يقول اعمل ايه مانا اصلي بحبها
لو مش هنسامح الي بنحبه طب بنحب ليه
والحب ايه غير حنيه القلوب علي بعضها
الحب ايه غير اننا نحب من غير ما نعرف ليه
وتكون بر الامان لحبيبتك في عز خوفها وضعفها
لكن فيه قلوب بتتعدم كل يوم علشان طبيعتها
معقول الحب الصادق يكون تهمتها وذنبا

ورغم اني عمري ما حسيت معاكي بالامان
قدمت ليكي الحنان ووطنك كان نبض قلبي
لا قلبي باعك في مره ولا في مره خان
وكننت بصالحك كتير والذنب مش ذنب
راح فين الحب معقوله ده كله هان
معقوله يجي اليوم والفاكي مش جنبي
معقوله تسيبي قلبي اسير للاحزان
بداري الدمع في عيوني وبخي
مهو لو قادر انسي كنت نسيت من زمان
لكن نسيت انساكي والعمر بيعدي
لسه شايلك في قلبي في أكبر مكان
ليه تسيبي الشوك يقتل شجر وردي

ورغم اني كنت في حياتك الخير والمطر
سبت بحرك المالح يملا نقاء نهري
لا عمرك حسيقي معايا بخوف ولا خطر
وكننت بموت يوماتي من خوفي أو قهري
وكان عشان عيونك يهون التعب والسهر
راضي بقسمتي ومسلم في هواكي أمري
قدمتلك حب يدوب من حنانه الحجر
لكن قلبك صخر مدابش من جمري
بس عشان بحبك انحت في الصخر

لكن حقيقي تعبت وانكويت من صبري
كنتي في حياتي شمس وانا لحياتك قمر
ان بعدت عنك اعيش لكن اضلم وانكسر
وان قربتلك اتحرق ويكون في القرب قبري

كانوا اثنين

كانوا اتنين لكن تشوفهم تقول واحد
وكان حلمهم يضيفوا ليهم اتنين كمان
قالتله نفسي في ولد يكون في ملامحك
أضمه لما توحشني عينيك المليانين حنان
ويبقى قلبه في طيبه وبياض قلبك
يبقي الي ينفع بجد يتقال عليه انسان
ويكبر حبه حبه قدام عينينا الفرحانين
ويملا علينا بشقاوته كل المكان
وانت زي مانت هتفضل دايما
سندنا وضرنا ووقت الشده بر الأمان
قالها وأنا نفسي في بنت تكون شبهك
وضحك .. اهو علي الأقل يجيلها عرسا
تجري عليا أول ما تسمع صوت الباب
فأنسي أني راجع من شغلي تعبان
وتقولي بابا حبيبي جيتلي معاك ايه
اقولها جيتلك شيكولاته وعروسه جنان
تقولي ربنا ما يحرمني منك ابدا
اقولها ولا يحرمني منكم انتوا كمان
وانت تقولي لا أنا كده هبتدي أغير
فأضمك وأقولك حبيبي أنت أصل الكيان

كانوا اتنين وكان حلمهم بسيط
لكنهم كانوا مأمنين ومطمنين للأيام
ونسوا أن في الزمان ده

معدتش بتتحقق الأحلام
هيه خلفت ولد سمته علي اسمه
وهوه خلف بنت سماها نسيان

أنا

انا انسان مجنون جدا
لكن جوه قلبي عقل ...
انا انسان موجوع جدا
والجرح عمره ما كان سهل ...

انا انسان بسيط جدا
عمري ما بصيت يوم لفوق ...
انا انسان نساي جدا
بنسي الزعل قوام واروق ...

انا انسان وحيد جدا
لكن جوه ضلوعي زحمه ...
انا انسان طيب جدا
لكن زمانا مفيهوش رحمه ...

انا شاب عجوز جدا
اتسرفت منه احلامه ...
انا مفتاح كفيف جدا
معدش يشوف قدامه ...

انا طفل بريء جدا
كسروا لعبته قبل ما يلعب بيها ...
انا طريق مهجور جدا
ردموا وروده قبل ما الندي يغطيها ...

انا حُضن دافي جدا
يضم القلوب ولا يحسش بامان ...
انا قلب بينبض جدا
مشتاق بجد لأي لمسه حنان ...

انا نبات عطشان جدا
تايه في صحرا سرقت كل امطاره ...
انا كمان حزين جدا
قبل ما يعزف قطعوا كل اوتاره ...

انا طير محبوس جدا
عائش علي شجره
بس السجن من جواه ...
انا جراح شاطر جدا
يحيي في قلوب ماتت
ومفيش في قلبه حياه ...

القطر

وعشان نلحق في يوم القطر بنرمي ورانا حاجات ياما
ونجري ونجري ورجلينا مش مساعدانا
بنخطي علي قلوبنا في طريق مليون ازاز
وكل خطوه زياده تموت احلامنا جوانا

وعشان نلحق في يوم القطر بنسيب قلوبنا تموت
مهو ياقلوبنا تموت ياما قطر العمر يفوت
اجبار علي الوجع ولكنه في صوره اختيار
ونبكي ونتألم ودموعنا ملهناش أي صوت

وعشان نلحق في يوم القطر بندوس علي اغلي ما لينا
بنقتل في احلامنا ونضحى بامانينا
ويتقالنا حلم واحد اننا نلحق القطر
حتي لو تمن الحلم ده موت احلي ما فينا

عائزه أسمع عنك كل خير

انا عايزه اسمع عنك كل خير !!!
بتتكلمي بجد
ولا خانك التعبير ؟؟

منين هيجي الخير لقلبي
لو كنتي كل دقاته
كنتي لارضه السما
كنتي سر حياته
كنتي لصدره الهوا
كنتي لعمره سنواته
كنتي لعيونه الفرح
وكنتي كل معاناته
كنتي لقلبه الجرح
وكنتي ايد مداواته
كنتي لبحره البر
كنتي لسفينته مرساته
راضي بحبك حتي لو شر
خايف حتي يستخير في صلاته
كنتي في حياته العسل المر
حبك بجنون فدمرتي حياته
ويعدي العمر ويمر
عاش بس عشان
مش بايدته مماته

ومنن هيجي الخير لقلبي
لو كنتي مش ليه
وازاي تسيبي القلب مجروح
مش لاقى الي يداويه
وازاي بينيلك حياتك طوبه طوبه
وبايدك انتي تهديه
وازاي تقرر في فجاء البعد عن انسان
من غير حتي ما تسمعيه
وازاي يحميكي من كل سهام الغدر
وانتي الي تقتليه
وازاي تسيبي قلبي وسط البحر
من موجه لموجه يحذفه
وعلي أي شط يرميه
غرقان متعلق بقشه
وحتي القشه بعيدة عليه
ويعيش يهدي الحب للاحباب
ومش لاقى الي يهديه
عاش بس من جوه ميت
وانتي بس الي تحبيه
لو كان فراقك قدره
هيبقي قدره الموت
هوه الي يشفيه

منن هيجي الخير لو جايه انهارده

وانتي ناويه البعد
قدرتي ازاي تاخدي قرارك
ونسيتي كل ليالي السهد
مش كنت انا كل امالك
ازاي قلبك خان العهد
ازاي قلبك يبيع الهوي
وافضل انا صاين الوعد
نسيتي ليالي عشناها سوا
نحلم ازاي هنعيش مع بعض
معقوله ترضي تعيشي في السما
وترمي قلبي لسابع ارض
معقوله ابقي في حياتك حاجه عابره
وتبقي في حياتي الاهل والعرض
معقوله هتلاقي حد غيري
يدعيلك بالسعاده وينسي يدعي لنفسه
وهوه بيصلي الفرض !!!

منين هيجي الخير لو جايه انا
ونظرتك غير الي اخدت عليها
تايهه وزايغه وكأناك واحده تانيه
سرقوا احساسها وبدلوه عينيها
فين حببتي الي كنت حاضرها ومستقبلها
مش مجرد ذكرى في ماضيها
حببتي لو كنتي ناسيه ذكرياتنا

فانا لسه فاكرها وعمري ما كنت يوم ناسيها
فين حبيتي الي كنت ناسي معاها نفسي
وعايش حياتي كلها بس ليها
ازاي جايه تقولي لي كمل لوحدي
ده انا نسيت قبلك ايامي الي كنتي مش فيها
بسهوله كده تهدي حياتي للحزن
وانا الي حبك لوحده كان بالفرح ماليها
ومهما كانت تقابلنا مشاكل
الحب وحده كان يعديها
طب قبل ما تمشي خدي ذكرياتي
لمكان بعيد قوي وخبوها
متسيبهاش وحيده زي ورده دبلايه
ملقتش غير دمع حزنها يرويها
خليني انسي اني حبيت في يوم انسانه
وبكل سهوله ازاي هنت عليها

منين هييجي الخير لو كنتي جايه انهارده
وانتي ناويه الفراق
غلطتي ان عشت معاكي فرحه لقانا
ونسيت ان الزمن سراق
بيقتل فرحتنا جونا
ويسرق اللحن من غنا
ويألم كل العشاق
سابت عشانك الاحلام

سأبقت علشانك الاوهام
سأبقت حتي الكلام
وانهارده بس عرفت
اني خسرت السباق
برغم اني اديتك في حياتي دور البطولة
جايه انهاردته تعلني تمرّدك عن النص
وخروجك عن السياق
بس قبل ما تمشي عايزك تعرفني
ان قلبي معاكى لا حول ليه ولا قوه
ميملكش بس
غير انه يشتاق

فاکر یا بحر

فاكر يا بحر
لما جيتلك وحكيتلك
وقولتلك انها عمرها ما هتبقى ليا
وصممت علي رأيك وقولتلي
صدقني اكيد هتبقى ليك
فاكر لما قولتلك ان احلامي
زي موجك يا بحر
بتبتدي كبيره
وتفضل تصغر وتصغر
لحد ما تتكسر
علي صخور ليا ليك
فاكر لما حكيتلي عن قصه عشقك
وعن حبيبتك الي فارقتك
وعن انك كنت زي النيل
بس ملوحتك جت من دمع عينيك
فاكر لما قولتلي انك انسان زي
مهما اشتدت الريح
وعلت في امواجك
دايما قاعك ساكن
يوهب الحياه للي حواليك
فاكر لما جبيتها وجيتلك
وعاهدتها علي الحب

وباركته علي شطك
ورسملنا قلب علي رملك
وضمتنا بايديك
دلوقتي يا بحر انا وحيد زيك
وقلبي ماليه الوجع
قولي هتداويني ازاي
وانا عارفك
مش لاقى الي يداويك
قولي ازاي
توهب حياتك لانسان
وتعلمه الطيران
فيكسرلك جناحيك
قولي ازاي
تعيش حياتك نجم
تهدي في سماك الحياي
وانت تايه
في ضلام صحاريك
قولي ازاي
بيتوجع فتنألم
تتوجع ما تتكلم
تخسر ولا تسلم
وبرغم كل الخساره
يفضل برضه
عاش فيك

يالا يا بحر نبعد سوا
هما اختاروا الفراق
وانا اختارت
افضل ليك

*** تم بحمد الله ***